

DE GRUAB IST BICHTE VER DE GSCHICHT VA GARAIT ONT VA OACHLAIT: S HÒT LAIT AS HOM SEMM GAÒRBETN, SÈSK JOR VOUR **U'gaheift de òrbetn ver za mòchen aus de òlt gruab va de Tingler**

L'amministrazione comunale di Frassilongo ha dato il via ai lavori di recupero a fini storico/didattici della miniera della Tingherla. Quest'opera ha una storia che coinvolge anche le amministrazioni precedenti: tra le altre iniziative, è già stato realizzato il progetto dei lavori. Il recupero del sito permetterà in prospettiva di valorizzare il territorio, stimolando la presenza di studenti e turisti interessati a conoscere l'attività mineralogica che ha costituito una parte importante della storia della valle del Fersina. I lavori rievocano anche la memoria storica dei paesi di Frassilongo e Roveda, dove è ancora vivo il ricordo delle attività minerarie di sessant'anni fa.

De amministrazion va de gamoa' va Garait hòt u'gaheift de òrbetn ver za mòchen aus der sitz va de gruab en plötz Tingler. De doi naiòrbet geat envire va vil jor: de vourdern amministrazionen



va Garait hom schoa' gabell vernaiern der plötz, ont asou der projekt ist schoa' kemmen gamöcht en de vourdern

jader. Iaz, de gamoa'amministrazion ist gönigen envire: de hòt pfunt'n de earstn pairtrong ver za u'heiven de òrbetn. De

earstn òrbetn barn kemmen gamöcht petn zil za versichern der plötz, u'richtn umadum ont gem de mogleket en schualer ont en studenten va de universitet za meing sa pasuachen, ont asou learnen de òlt òrbetn en de gruab. A vòrt garift de doin earstn òrbetn, der tritt derno bart sai' za u'richtn innbende ont paun an greasern plötz vern turismus, pet austelln ont plinder, ont pet pasuachen organisaart van auskennlait. Umadum s hòt vil lait as hom der vrait za auklaua ont derholtn mineraln: an nain museum bellat song gilt der ouch, stitzen der turismus, naia òrbetn ver de lait van tol, mòchen kemmen pakönnnt der ouch.

De gruab va de Tingler vinnt se en an enges talel gamöcht van pachl Rigolor; de ist kemmen sperrt en de sèsk jor, benn as de kostn van òrbetn sai' kemmen za hoa. De ist ea'er kloa' (de gallerie za pasuachen sai' long ungefér 250 metern), ober

vil raich va mineraln. De ist pakönnnt a ker iberöll en Balschlönt, ont en vil platz va Osterrach aa, iberhaup ver de fluorite, as ist kemmen pfunt'n vil schea' en de jarder vergöngten. De gruab va de Tingler ist pakönnnt aa bavai s sai' kemmen tschrim ont gadrukt artikln as de bisschöftzaitungen. Derzua, de ist bolten sicher gaben, ont dös ist bichte ver ölla de sèlln as sai' kemmen za suachen mineraln, en de jarder vergöngten.

De doi òrbet va u'richt as de gamoa'amministrazion bill tröng envire ist bichte aa bavai s ist nou lebet en de lait va Garait ont va Oachlait s gadent van sèsk jor, benn as de gruab hòt gem òrbet en de lait umadum, as hom tsuacht ont pfunt'n mineraln abia quarzo, fluorite, malachite, auricalcite, calcopirite.


NICOLA OBEROSLER

LE LEZIONI SI TERRANNO A PARTIRE DA VENERDÌ 29 SETTEMBRE

Corsi di lingua mòchena: ultimi giorni per le iscrizioni

Come ogni anno, l'Istituto Comprensivo Pergine 1 organizza i corsi per l'apprendimento della lingua mòchena. Le lezioni sono articolate su tre livelli. È previsto un livello base, per coloro che non conoscono la lingua e vogliono cimentarsi nel suo apprendimento, partendo dalle basi grammaticali e lessicali. È organizzato poi un livello intermedio, adatto per chi conosce già i rudimenti della lingua e vuole migliorarsi nella capacità di comprensione e di espressione. In questo secondo grado verranno affrontati anche gli aspetti legati alla scrittura. È previsto anche un livello avanzato, dedicato a quanti hanno già una buona conoscenza della lingua di minoranza, e desiderano conoscere a fondo le regole per la corretta scrittura della stessa.

Gli incontri avranno inizio il giorno venerdì 29 settembre, presso la scuola primaria di Fierozzo/Vlarotz. Avranno durata di due ore, dalle 20.00 alle 22.00. Le lezioni potranno anche tenersi in modalità a distanza, attraverso videoconferenza Meet, previa comunicazione agli iscritti. I corsi sono gratuiti e hanno durata di 20 ore complessive; si terranno ogni venerdì. Per avere ulteriori informazioni o per iscriversi, si prega di contattare la segreteria dell'Istituto Comprensivo Pergine 1, dal lunedì al venerdì in orario 8.30-10.30, al numero 0461/532261, oppure scrivendo all'indirizzo mail segr.ic.pergine1@scuole.provincia.tn.it. Il termine per le iscrizioni è fissato per il giorno 28 settembre.



ZA VUAS VAN BERSNTOL VER DE MESS VAN DRITTE SUNTA VAN LEISTAGEST

De òlt tròcht van pellegrinaggio ka Baisnstoa'

Abia òll jor, haier aa an grupp va bersntoler hòt se organisiert ver za gea', za vuas, finz kan santuario va Baisnstoa', durch de pèrng, ver de haile mess van dritte sunta van leistagest. Der doi grupp va pellegrini ist austönnen um zboa-drai de noctòt van sónsta ont hòt se pfunt'n kan plötz Hachler. Va semm, de sai' göngent keing en joch Palai, dora durch en de malga Cagnon di Sopra, kan joch Cadin, finz ka Molina va Fiemme. Van dorf va Molina, no schoa' an ettena stunnent va roas, de sai' anau göngent finz en joch Haile Lugano, ontzan leistint de sai' aribart ka Baisnstoa', en sónsta zobenz. Zan an glick, haier s bëtter ist gaben nèt abia vert, benn as s hòt garenk vil, ont as de pèrng s hòt gor tschnim. Haier, s bëtter ist

gaben pesser, gahoater ont bòrm, a'ne bint, ont asou de pellegrini hom gameicht gea' dèsterer. Durch en be, de hom pakemmp öndera lait, bavai an ettena hom liaber za tea' a kirzera roas: de doin hom se gaglaimert pet de aute, ont de hom u'gaheift za vuas va Molina, oder derno. Der to no, um oadleva en de vria, hòt se gaholtn de haile mess, kein van vourder pischof va Treit Luigi Bressan, petn pföff Romeo aa. De doi ist a tròcht as vil bersntoler hom gearn; de ist an prauca as ist prope toal va de inger gamoa'schöft. Der pellegrinaggi ka Baisnstoa' ist an trèff as vil lait van öndra telder va de inger region hom gearn aa. Ont asou, en de mess van vourder sunta, hom toalganommen vil öndera lait, kemmen

va de gònze region. A vòrt, as de 17 van heibeger 1988, en to van pasuach van popst Giovanni Paolo II, sai' kemmen gabien gor mear as 55.000 lait. De Diocesi va Treit as organisiert pellegrinaggi. Derzua, en plötz kemmen vil öndera lait: de sai' ungefér 50 de pellegrinaggi as hòltn se, òll jor, ka Baisnstoa'. Zan baispil, de ladiner sai' gabe't za kemmen en schanmikeal, de lait va Poazn kemmen en ma'ta va de Pfingestn... vil lait kemmen iberhaup ver de vaiertecher dedicat en de Madona. Men denkt as en jor 2003, der popst Giovanni Paolo II hòt gem de indulgenza plenaria ver de lait as gea' kan santuario pet glam.

NICOLA OBEROSLER

Projekt "Kultural Voucher": an paitrog ver kinder ont junga

A HILF VER
DE FAMILIE,
VER DE KOSTN
VAN KURSN
VAN SAI'NA SI'



De Agenzia ver de hilfpint va de Autonome Provinz va Trea't, zömm petn Kultural zentrum dinstn Santa Chiara hòt stitzt der projekt Kultural Voucher. Der ist an paitrog ver za hélven de familie pet de kostn van kursn va teater, musik ont kino van sai'na si'. Der Kultural Voucher gip an paitrog ver de kinder ont junga finz as öchtzen jor van familie as kriang s A toal ont van familie pet drai oder mearer si' as kriang s B1 toal van Oa'zege provinzial hilfgleit, ver de toalnemm en dinstn va kultur en de jarder 2023/2024. De doin familie miasn hom de familienkört EuregioFamilyPass.

Der Kultural Voucher mias kemmen prauca voor de 31 van schantönderer van jor no va de u'nemm va de graduatoria. De familie meing ogem de vrong finz as de 31 van schanmikeal en Kultural zentrum dinstn Santa Chiara. De vrong miasn kemmen trong derékt en zentrum Santa Chiara, oder tschickt pet an e-mail en de Agenzia ver de hilfpint, oder pet an raccomandaretn priaf A/R en de glaiche Agenzia. Ver za hom mear informazionen, de enteressiartn meing u'riaven oder schicken an e-mail en Kultural zentrum dinstn Santa Chiara oder en de Agenzia ver de hilfpint va de Provinz.

